



Vol. 3 (卷中下)

No Known Copyright

Princeton University Library reasonably believes that the Item is not restricted by copyright or related rights, but a conclusive determination could not be made.

You are free to use this Item in any way that is permitted by the copyright and related rights legislation that applies to your use.

Princeton University Library Disclaimer

Princeton University Library claims no copyright governing this digital resource. It is provided for free, on a non-commercial, open-access basis, for fair-use academic and research purposes only. Anyone who claims copyright over any part of these resources and feels that they should not be presented in this manner is invited to contact Princeton University Library, who will in turn consider such concerns and make every effort to respond appropriately. We request that users reproducing this resource cite it according the guidelines described at <http://rbcs.princeton.edu/policies/forms-citation>.

Citation Information

Vol. 3 (卷中下)


Contact Information

Download Information

Date Rendered: 2019-09-10 11:48:38 PM UTC

Available Online at: <http://arks.princeton.edu/ark:/88435/x346d853q>

TC 83/1848
v.3



痢疾

凡人多食生冷濕熱傷其脾胃致成痢疾初起服如
聖餅子下積而愈若無大便止下赤膿者乃胃有大
熱傷血也宜當歸芍藥湯阿膠湯若下白膿者乃飲
食冷物傷大腸也服桃花湯全真丹而愈若腹痛發
熱昏睡六脉洪數純泄赤膿乃熱氣滯于腸胃也名
疳蠱痢亦有錯服熱藥而得者服黃連丸甚者大通
散痢疾固當化積清熱香連承氣等方用果得宜何
嘗不應手而愈若涉脾胃虛寒經脉內陷三焦失
運而致者又不可不以溫補爲要也蓋熱藥之誤易
于轉手涼藥之誤救治殊難虛衷以應臨證誤人自
少

傷脾發潮熱

此因飲食失節損及脾胃致元氣虛脫令頭昏脚弱四肢倦怠心下痞悶午後發熱乃元氣下入陰分也服全真丹華澄茄散三月而愈若服滋陰降火涼藥其病轉甚若俗醫用下藥致病危篤六脉沉細灸中脘五十壯關元一百壯可保遲則脾氣衰脫而死庸醫于此證不知誤殺天下多少蒼生而小兒為更甚午後發熱不曰潮熱便云陰虛心下痞悶不云食積便云停痰動輒輒寒涼恣行消尅大人變為虛脫小兒轉為脾風而猶曰風暑難清痰熱為害及至垂斃醫者云人力已竭病家云天數難挽至死不悟良可悲哉

嘔吐反胃

凡飲食失節冷物傷脾胃雖納受而脾不能運故作吐宜二聖散草神丹或金液丹若傷之最重再兼六慾七情有損者則飲蓄于中焦令人朝食暮吐名曰番胃乃脾氣太虛不能健運也治遲則傷人若用攻尅重傷元氣立死須灸左命關二百壯服草神丹而愈若服他藥則不救嘔吐一證先當審其所因輕者虛者六君理中亦易為力唯重者一時暴吐厥逆汗出精失提防躁脫而死不可不知至于番胃雖屬緩證治頗棘手惟在醫者細心病人謹攝治以丹艾庶可獲全不然生者少矣

痞悶

凡飲食冷物太過脾胃被傷則心下作痞此為易治

宜全真丹一服全好大抵傷胃則胸滿傷脾則腹脹
腹脹者易治宜草神丹金液全真來復等皆可服寒
甚者薑附湯此證庸醫多用下藥致一時變生腹大
水腫急灸命關二百壯以保性命遲則難救此證乃
謂陽畜積病死之證不可以誤治也若腹脹
所謂藏寒生滿病是也苟不重溫危亡立至

治驗

一人因暑月食冷物以致胸腹脹悶欲死服金液
丹百丸少頃加全真丹百丸卽有氣下降而愈夏
伏陰在內一切冷物在所禁食若不
慎而致傷者不重劑溫化惡得不變

一小兒食生杏致傷脾脹悶欲死灸左命關二十

壯卽愈又服全真丹五十丸

生杏在內大人尚不可
食況小兒乎溫中藥

內入些少
麝香爲妙

一人每飯後飲酒傷其肺氣致胸膈作脹氣促欲
死服鍾乳粉五膈散而愈若重者灸中府穴亦好
服涼藥則成中滿難治矣酒後啜飯中氣不傷若
飯後飲酒清氣濁亂所
以致
脹

一人慵懶飲食卽臥致宿食結于中焦不能飲食

四肢倦怠令灸中脘五十壯服分氣丸丁香丸卽

愈修養書云飯後徐徐行百步自然食毒自消
磨食後卽臥食真中宮升降有乖焉得不病

中暑

凡此病脉大而緩其候飲食不減起居如常但時發煩熱渴飲無度此暑證也易治知母散一服便愈若煩熱困倦不食者暑氣傷胃也服溫中湯藥即愈若服香薷六一寒涼等劑冰損胃氣多致變瘡痢泄瀉諸證慎之若暑氣客于心包絡之經令人譫言煩渴欲飲冷水小便秘澀大便下赤水當服阿膠丸當歸芍藥湯而愈若暑月飲食冷物寒邪入客胃中致腹中作痛宜金液草神全真來復等丹連二服便愈若以涼藥下之變為中滿脾泄若元氣虛早間行路冷氣入腹令人心肚作痛宜服金液丹或來復丹凡暑

月人多食冷物若常服金液全真來復保元等丹自然脾胃調和飲食不傷但少壯人須五日一次恐熱上攻浪目也

客于心包絡譫煩飲冷溺澀便赤清心涼血皆一劑可愈者若今之醫家將一切內傷虛寒之證亦認為暑恣用寒涼朝夕靡已及變陰深冷脫猶云暑邪內攻病勢深重難挽回矣間遇明眼高手投以參附猶且從中阻撓泊投之有効輒視顏支飾一肩卸却罪歸不謂渠意亦同投之無効讒言鋒起一肩卸却罪歸參附病家本不識病情未免隨之怨悵嗟嗟此種醫人天良盡喪予具熱腸常遭此輩謗累因書此以志慨

暑月脾燥病

凡夏月冷物傷脾又兼暑氣客之則成燥病令人發

熱作渴不止六脉弦大乃火熱傷肺而津液不能上輸也有脾胃之分若發燥熱而能食者熱在胃也易治服全真丹華澄茄散而愈若發燥熱不進飲食四肢倦怠熱在脾也為重服金液草神或來復等丹五日而愈如作暑治下以涼藥熱雖暫退必變為中滿洞泄諸證暑月發熱務分虛實六脉沉數飲食如常者為實熱服薄荷煎而愈若六脉弦緊減食倦怠者為虛熱大忌寒涼宜全真來復等丹而愈

而大誰肯不作暑治而不用寒涼者不知暑熱蒸耗人元氣元氣既傷未有不渴冷物傷脾有垂輪三焦失運腠理不和發熱作渴自所不免且六脉弦大弦則為減大則為虛體驗果真一溫可解今之醫

家專尚香薷青蒿黃連滑石等劑變為瀉泄猶云協熱及至虛脫全然不覺此由脉理未明誤至作賊之誤也

凡夏月陰氣在腹又暑能傷人元氣更兼冰水冷物損其脾胃皆不足證也局方俱用香薷飲白虎益元黃連解毒等劑重傷元氣輕則變瘧痢霍亂泄瀉等證重則成虛勞中滿注瀉等證余常以保元來復全真金液延壽菴附湯等類治暑百發百中好生之士請嘗試之

兩脇連心痛

此證由憂思惱怒飲食生冷醉飽入房損其脾氣又

傷肝氣故兩脇作痛庸醫再用寒涼藥重傷其脾致變大病成中滿番胃而死或因惱怒傷肝又加青陳皮枳壳實等重削其肝致令四肢羸瘦不進飲食而死治之正法若重者六脉微弱羸瘦少飲食此脾氣將脫急灸左命關二百壯固住脾氣則不死後服金液全真來復等丹及華澄茄散隨證用之自愈此證在左爲肝木爲病瘀血不消惱怒所傷在右則爲痰爲飲爲食積氣滯此皆標病易于治療若宗氣有乖虛里作楚榮氣失調脾絡作痛此非積漸溫養不愈至若兩脅連心痛如刀刺此三陰受頑逆于膈育之間非重用溫補不可又肥氣息責此積在藏之募原若泥古方耑于剝削未有不死者也

消渴

此病由心肺氣虛多食生冷冰脫肺氣或色慾過度重傷於腎致津不得上榮而成消渴蓋腎脉貫咽喉係占本若腎水枯涸不能上榮于口令人多飲而小便反少方書作熱治之損其腎元誤人甚多正書春灸氣海三百壯秋灸關元二百壯日服延壽丹十九二月之後腎氣復生若服降火藥暫時有效日久肺氣漸損腎氣漸衰變成虛勞而死矣此證大忌酒色生冷硬物若脾氣有餘腎氣不足則成消中病脾實有火故善食而消腎氣不足故下部少力或小便如疳孫思邈作三焦積熱而用涼藥損人不少蓋脾雖

元二百壯服金液丹一斤而愈

分消
總由
雖有
上中
下之
液

所致蓋腎爲津液之原肺爲津液之本本原虧而消渴之證從此致矣上消者素問謂之消中消穀善飢身體消瘦下消者素問謂之肺消渴而便數有膏飲一溲二後人又謂之腎消腎消之證則已重矣若脉微而瀉或細小身體瘦痺溺出味甘者皆不治之證也大法以救津液壯水火爲生

一人頻飲水而渴不止。余曰：君病是消渴也。乃脾肺氣虛，非內熱也。其人曰：前服涼藥六劑，熱雖退而渴不止。覺胸脇氣痞而喘。余曰：前證止傷脾肺。

因涼藥復損元氣，故不能健運而水停心下也。急灸關元氣海各三百壯，服四神丹六十日，津液復生。方書皆作三焦猛熱，下以涼藥殺人，甚于刀劍。慎之。

津液受傷，不惟消渴，亦兼雜病而誤用寒涼者不少。時醫以此殺人而人不悟，奈何。

着惱病

津液受傷不惟消渴亦兼雜病而誤用寒涼者不少時醫以此殺人而人不悟奈何

此證方書多不載人莫能辨或先富後貧先貴後賤及暴憂暴怒皆傷人五藏多思則傷脾多憂則傷肺多怒則傷肝多欲則傷心至于憂時加食則傷胃方書雖載內因不立方法後人遇此皆如虛證治之損人性命其證若傷肝脾則泄瀉不止傷胃則昏不省

人事傷腎則成癆，癆傷肝則失血筋攣，傷肺則咯血吐痰，傷心則顛冒。當先服薑附湯以散邪，後服金液丹以保脾胃，再詳其證而灸之。若脾虛灸中府穴，各二百壯；腎虛灸關元穴，三百壯；二經若實，自然不死。後服延壽丹，或多服金液丹而愈。涼藥服多，重損元氣則死。此證皆因七情所傷，五志之過，審其所因而調治之，庶無失誤。

治驗

一人年十五，因大憂大惱，却轉脾虛。庸醫用五苓散及青皮枳殼等藥，遂致飲食不進，胸中作悶。余令灸命關二百壯，飲食漸進。灸關元五百壯，服薑

附湯一二劑，金液丹二斤，方愈。方書混作勞損用

溫平小藥，誤人不少。悲夫。

大憂惱而得脾泄，醫用五苓、青皮、枳殼，變尚如

此近有六脈虛脫，脾腎敗壞，猶云不妨而用此藥者，又庸醫中之斯隸也。

頭暈

此證因冷痰聚于腦，又感風寒，故積而不散，令人頭旋、眼暈、嘔吐痰涎。老年人宜服附子半夏湯，少壯人宜服半夏生薑湯。若用涼劑，則暫時有效，痰愈凝而愈固，難以速效矣。此即所謂頭風證，故有冷痰聚于

虛益肝虛則血不上榮，肺虛則清陽不運，腎虛則厥成巖疾，心虛則火炎浮越。夫風虛痰火間或有之，至于頭風虛證，不可不知。

治驗

一人頭風發則旋暈嘔吐數日不食余爲針風府穴向左耳入三寸去來留十三呼病人頭內覺麻熱方令吸氣出針服附子半夏湯永不發華陀針曹操頭風亦針此穴立愈但此穴入針人卽昏倒其法向左耳橫下針則不傷大筋而無暈乃千金妙法也

此針法奇妙須與高手針家議之方得無誤

一人起居如常但時發頭痛此宿食在胃脘也服丁香丸十粒而愈

厥證

素問云五絡俱絕形無所知其狀若尸名爲尸厥由憂思驚恐致胃氣虛閉于中焦不得上升下降故昏冒強直當灸中脘五十壯卽愈此證婦人多有之小兒急慢驚風亦是此證用藥無効若用吐痰下痰藥卽死惟灸此穴可保無虞令服來復丹華澄茄散而愈

厥證經言諸矣尸厥不過厥證之一端外有血厥痰厥煎厥薄厥總皆根氣下虛之證所謂少陰不至者厥也又云內奪而厥則爲瘡痍此腎虛也

治驗

一婦人產後發昏二目滯澁面上發麻牙關緊急二手拘攣余曰此胃氣閉也胃脉挾口環唇出于

齒縫故見此證令灸中脘穴五十壯即日而愈後產

血厥倉公
白微散

一婦人時時死去已二日矣凡醫作風治之不効

灸中脘五十壯即愈

氣脫

少年酒色太過脾腎氣虛忽然脫氣而死急灸關元

五百壯服霹靂湯薑附湯金液丹久久而愈此證須

早治遲則元氣亦脫灸亦無及矣更有血脫神脫精脫津脫液脫也

脫即津液脫也

死脉見

此由少年七情六慾所損故致晚年真氣虛衰死脉

見于兩手或十動一止或二十動一止皆不出三年

而死又若屋漏雀喙之類皆是死脉灸關元五百壯

服延壽丹保元丹六十日後死脉方隱此仙師不傳

之妙法也或正三年初冬一董姓者來求診脉其脉

七動一止此心絕脉也仲冬水旺其何能生始定參

芪茸附河車脐帶桂心棗仁等方與之服十劑脉之

歇止參差不似前之有定數矣又十劑而歇止少矣

早雖不用丹艾亦有可生全者

老年腎氣衰又兼風寒客之腰髀髀作痛醫作風痺

走痛治用宣風散趁痛丸重竭真氣誤人甚多正法服薑附湯散寒邪或全真丹灸關元百壯則腎自堅牢永不作痛須服金液丹以壯元陽至老年不發腰痛而作風痺重證治者多致大害即使風痺重用溫補亦能散去

中風人氣虛中滿

此由脾腎虛憊不能運化故心腹脹滿又氣不足故行動則胸高而喘切不可服利氣及通快藥令人氣愈虛傳為脾病不可救矣宜金液丹全真丹一月方愈重者灸命關關元二百壯腎虛則生氣之原乏脾虛則健運之力微氣虛中滿之證作矣又內經謂藏寒生滿病醫人知此不行剝削重劑溫補為變者少矣

老人兩脇痛

此由胃氣虛積而不通故脇下脹悶切不可認為肝氣服削肝寒涼之藥以速其斃服草神金液十日重者灸左食竇穴一灸便下有氣而愈再灸關元百壯更佳老人與病後及體虛人兩脇作痛總宜以調理肝脾更須察其兼證有無虛實治頗不易

治驗

一人脾氣虛好食冷物不消常覺口中出敗卵臭服草神丹即愈若服全真金液亦効脾胃既為食施消尅唯治以溫化則自健運矣
一人脾氣虛致積氣留于脇下兩肋常如流水多

服草神丹而愈脾虛致積當用溫行水流脇下更仗溫化

疝氣

由於腎氣虛寒凝積下焦服草神丹灸氣海穴自愈

此證內經論五藏皆有而後人以病由于肝先生言因腎氣虛寒總不若丹艾之妙

吞酸

凡人至中年脾氣虛弱又傷生冷硬物不能運行蘊積中焦久之變為鬱火停痰故令噫氣久則成中滿腹脹之證須服草神丹全真丹金液丹皆可吞酸為病雖微

致害非淺苟不慎節飲食戒謹房帷久久無不變成臃脹

脾瘡

凡瘡病由于暑月多吃冰水冷物傷其脾胃久而生痰古今議論皆差或指暑邪或分六經或云邪祟皆謬說也但只有脾胃之分胃瘡易治脾瘡難調或初起一日一發或間日一發乃陽明證也清脾飲截瘡丹皆可若二三日一發或午後發綿延不止者乃脾瘡也此證若作尋常治之誤人不少正法當服全真草神四神等丹若困重日久肌膚漸瘦飲食減少此為最重可灸左命關百壯自愈窮人艱于服藥只灸命關亦可愈凡久瘡止灸命關下火便愈實秘法也

脾瘡原屬正虛治得其法應手即愈而世人競尚柴胡攻多補少不知元氣既虛又拔其本以致耽延時

日變端百出先生
灸法實可宗至

治驗

一人病瘧月餘發熱未退一醫與白虎湯熱愈甚
余曰公病脾氣大虛而服寒涼恐傷脾胃病人云
不服涼藥熱何時得退余曰內經云瘧之始發其
寒也烈火不能止其熱也冰水不能退當是時夏
工不能措其手且扶元氣待其自衰公元氣大虛
服涼劑退火吾恐熱未去而元氣脫矣因為之灸
命關纔五七壯脇中有氣下降三十壯全愈久瘧而用
白虎真所謂肯人說暗話也繆仲醇一代名醫論
多出此竊所未解予觀廣筆記疑其所學全無巴

鼻至于本草經疏設立許多禁忌令
後人疑信相半不敢輕用為患匪細

胃瘧

素問論瘧而無治法千金雖傳治法試之無効凡人
暑月過啖冷物輕則傷胃重則傷脾若初起先寒後
熱一日一發乃胃瘧也易治或吐或下不過十日而
愈扁鵲正法服四神丹甚者灸中脘穴三十壯愈此證
感淺病輕人多忽畧雍正三年秋冬之交人皆病此
重劑溫補或可幸免投藥少差立見冰脫用清解小
柴胡者皆不能起寧絳之人死者比比以
其溺用寒涼雖一誤再誤而終不悟也

邪祟

此證皆由元氣虛弱或下元虛憊憂恐太過損傷心

氣致鬼邪乘虛而入令人昏迷與鬼交通當服睡聖散灸巨闕穴二百壯鬼氣自滅服薑附湯而愈邪祟能
着人人自着之耳果立身正直心地光明不負君親
無慚屋漏鬼神欽敬不違何邪祟之敢乘哉惟其陰
幽偏頗卑慢昏柔之輩多能感此有似邪祟之附着
究非邪祟也蓋由人之藏氣受傷而神魂失守故肝
藏傷則意不寧而白衣人來捕擊心藏傷則神不安
而黑衣人來毀傷脾藏傷則意有不甘而青衣人來
毀辱肺藏傷則魄不守而紅衣人來凌轢腎藏傷則
志多猶疑而黃衣人來斥辱此皆神氣受傷以致妄
有聞見不覺其見乎四體發乎語言而若有邪祟所
附也正法惟有安其神魂定其志偶審其何藏之虛
而補之何藏之乘而制之可也

治驗

一婦人因心氣不足夜夜有少年人附着其體診

六脉皆無病余令灸上脘穴五十壯至夜鬼來離
牀五尺不能近服薑附湯鎮心丹五日而愈

一貴人妻爲鬼所着百法不効有一法師書天醫
符奏玉帝亦不効余令服睡聖散三錢灸巨闕穴
五十壯又灸石門穴三百壯至二百壯病人開眼
如故服薑附湯鎮心丹五日而愈

一婦人病虛勞真氣將脫爲鬼所着余用大艾火
灸關元彼難忍痛乃令服睡聖散三錢復灸至一
百五十壯而醒又服又灸至三百壯鬼邪去勞病
亦瘥

怔忡

凡憂思太過，心血耗散，生冷硬物，損傷脾胃，致陰陽不得升降，結于中焦，令人心下恍惚，當以來復丹、金液丹、革澄茄散治之。若心血少者，須用獨骸大丹，次則延壽丹亦可。憂思之傷怔忡之本，證飲食之傷怔忡之兼，證微有虛實之殊，審證施治。

自然無誤

心痛

皆由鬱火停痰而作，飲食生冷填于陽明，太陰分野亦能作病，宜全真丹。若胃口寒甚，全真丹或薑附湯不愈，灸中脘七十壯。若脾心痛發而欲死，六脉尚有

者，急灸左命關五十壯，而甦內服來復丹、革澄茄散。

若時痛時止，吐清水者，乃蛔攻心，包絡也。服安蟲散。

若卒心痛，六脉沉微，汗出不止，爪甲青，足冷過膝，乃

真心痛，也不治。

心為一身之主宰，一毫不可犯處，正無偏豈宜受病？凡痛非心痛，乃心之

包絡痛，與脾痛、胃痛、脇痛、耳審其所因，所客或氣或痰，雖有九種之分，虛實之異，大槩虛者為多，屬實者問亦有之，審察而治，庶無差錯。

痺病

風寒濕三氣合而為痺，走注疼痛，或臂腰足膝拘攣，兩肘牽急，乃寒邪凑于分肉之間也。方書謂之白虎歷節風，治法于痛處灸五十壯，自愈。湯藥不効，惟此

法最速若輕者不必灸用草烏末二兩白麪二錢醋調熬成稀糊攤白布上乘熱貼患處一宿而愈痺者氣血凝閉而不行留滯于五藏之外合而為病又邪入于陰則為痺故凡治痺非溫不可方書皆作實治然屬虛者亦頗不少

神疑病

凡人至中年天數自然虛衰或加妄想憂思或為功名失志以致心血大耗癡醉不治漸致精氣耗盡而死當灸關元穴三百壯服延壽丹一斤此證尋常藥餌皆不能治惟灸艾及丹藥可保無虞此乃失志之證有似癡呆或如神祟自言自笑神情若失行步若聽非大遂其志不能愈故愈者甚少

治驗

一小兒因觀神戲受驚時時悲啼如醉不食已九十日危甚令灸巨闕五十壯即知人事曰適間心上有如火滾下即好服鎮心丸而愈驚則神無所倚痰涎入客包絡宮城受傷心不安寧故肺氣來乘而虛火上蒸灸法之妙愈于緩驚錠抱龍丸多矣

一人功名不遂神思不樂飲食漸少日夜昏默已半年矣諸醫不効此病藥不能治令灸巨闕百壯

關元二百壯病減半令服醇酒一日三度一月全

安蓋醺酣忘其所慕也失志不遂之病非排遣性情不可以灸法操其要醉

酒陶其情此法妙極

下注病

貧賤人久臥濕地寒邪客于腎經又兼下元虛損寒濕下注血脉凝滯兩腿粗腫行步無力漸至大如瓜瓠方書皆以消濕利水治之損人甚多今灸湧泉三里承山各五十壯即愈

俗名蘇木腿形狀怪異可畏終身之疾鮮有愈者先生灸

法未知
驗否

腳氣

下元虛損又久立濕地致寒濕之氣客于經脉則雙足腫痛行步少力又暑月冷水濯足亦成乾腳氣發則連足心腿脰腫痛如火烙或發熱惡寒治法灸湧

泉穴則永去病根若不灸多服金液丹亦好平常藥暫時有效不能全除其不能行步者灸關元五十壯大忌涼藥泄傷腎氣變為中滿腹脹而死久患腳氣人濕氣上攻連兩脇腰腹肩臂拘攣疼痛乃腎經濕盛也服宣風丸五十粒微下而愈然審果有是證者可服若虛人斷不可輕用

腳氣壅疾言邪氣壅滯于下

所謂證發則上衝心胸嘔吐煩悶甚為危險即內經

但此證發則上衝心胸嘔吐煩悶甚為危險即內經所謂厥逆是也輕者疏通經脉解散寒濕調其陰陽

和其血氣亦可易治如蘇梗腹皮木瓜檳榔蒼朮獨活等藥皆可也其甚者入腹危險更甚非重用溫化

不可如茶葉欲絕此邪衝入腹皆用之至如剝削過度脉微欲絕變成虛寒往不起不可謂壅疾而不利于補也

治驗

一人患脚氣兩脛骨連腰日夜痛不可忍為灸湧

泉穴五十壯服金液丹五日全愈

此症有似痛痺

一女人患脚氣忽手足偏身拘攣疼痛六脉沉大

乃胃氣盛也服宣風丸三十粒泄去而愈

此證須細審的

確方可用

足痿病

凡腰以下腎氣主之腎虛則下部無力筋骨不用可

服金液丹再灸關元穴則腎氣復長自然能行動矣

若腎氣虛脫雖灸無益

此證內經皆言五藏虛熱故後人有補陰虎潛金剛地黃

等丸東垣又作濕熱而以潛行散為治痿妙藥然不可泥也虛寒之證亦頗不少臨證審詳自有分曉

治驗

一老人腰脚痛不能行步令灸關元三百壯更服

金液丹強健如前

黃疸

暑月飲食冷物損傷脾胃脾主土故見黃色又脾氣

虛脫濁氣停于中焦不得升降故眼目偏身皆黃六

脉沉緊宜服草神丹及金液全真來復之類重者灸

食竇穴百壯大忌寒涼

此證第一要審陰陽黃必身色光明脉來洪滑善食發

渴此皆實證清濕熱利小便可愈若身熱脉浮亦可發表陰黃則身色晦暗神思困倦食少便溏脉來無

力重用溫補則小便長而黃自退若誤作陽黃治之
為變非細又一種膽黃證因大驚卒恐膽傷而汁泄
于外為病最重惟覺之早
而重用溫補者尚可挽回

治驗

一人徧身皆黃小便赤色而澀灸食竇穴五十壯
服薑附湯全真丹而愈

黑疸

由于脾腎二經縱酒貪色則傷腎寒飲則傷脾故兩
目徧身皆黃黑色小便赤少時時腸鳴四肢困倦飲
食減少六脉弦緊乃成腎癆急灸命關三百壯服草
神丹延壽丹而愈若服涼藥必死

便閉

老人氣虛及婦人產後少血致津液不行不得通流
故大便常結切忌行藥是重損其陰也止服金液丹
久久自潤或潤腸丸亦可又大小便主腎腎閉竅于
二陰能運行津液若腎氣虛則二便皆不通亦服金
液丹腎氣壯則大小便自利矣

有陳姓鹽商年七十

證重劑參附二百餘服獲痊至十月大便秘結不行
口登廁數十次冷汗大出面青肢厥一馬姓醫用滋
補劑入生大黃三錢予深以為不可戒之曰老年脫
後幸參附救全不能安養過于思慮以致津液枯竭
傳送失宜惟可助氣滋津佐以溫化自然流通何事
性急以速其變若一投大黃往而不返恐難于收功
矣姑忍二三日勢當自解病者怪予遲緩口出怨咎
之辭至次日不得已用人參二兩薤蓉一兩當歸五

錢松柏仁各五錢附子三錢升麻四錢煎服外用綠礬一斤入圖桶以滾水冲入扶其坐上一刻而通

溺血

凡膏粱人火熱內積又多房勞真水既涸致陰血不靜流入膀胱從小便而出可服延壽丹甚者灸關元若少壯人只作火熱治之然在因病制宜火熱內積實證也一劑寒涼可解房勞傳腎虛證也非溫補不可審證而治大有分別

淋證

此由房事太過腎氣不足致包絡凝滯不能通行水道則成淋也服檳榔湯鹿茸丸而愈若包絡閉澀則精結成砂子從莖中出痛不可忍可服保命丹甚者

灸關元

淋濁之證古人多用寒涼分清通利之品然初起則可久而虛寒又當從溫補一法

腸癖下血

此由飲食失節或大醉大飽致腸胃橫解久之冷積結于大腸之間致血不流通隨大便而出病雖尋常然有終身不愈者庸醫皆用涼藥止血故連綿不已蓋血愈止愈凝非草木所能治也正法先灸神闕穴百壯服金液丹十兩日久下白膿乃病根除也經云傷則血內溢血內溢則後血治此之法總在別其脈之強弱色之鮮闇該清該溫愈亦不難若不慎飲食恣縱酒色鮮不能愈矣

新刊
心書

卷中

五

